

# **Universitätsbibliothek Paderborn**

## **Ars Semper Gavdendi**

Demonstrata Ex Sola Consideratione Divinae Providentiae Et Per  
Adventvales Conciones

**Sarasa, Alfonsus Antonius de**  
**Antverpiae, 1664**

Tractatvs VIII. Ostenditur bonos & malos promiscuè inter se habitare  
debuisse. Item non bona fortunae modò, sed & dotes corporis & animi,  
hominibus non aequaliter debuisse dari Itaque ne te affligant ...

**urn:nbn:de:hbz:466:1-13517**

## TRACTATUS VIII.

Pusillum & magnum ipse fecit: & æqualiter est illi cura do omnibus. Sap. 6.

Ostenditur & bonos & malos promiscuè inter se habitare debuisse. item non bona fortuna modo, sed & dotes corporis & animi hominibus non æqualiter debuisse dari. Itaque ne te affligant defectus, nec miseria aliena, aut etiam propria.

## P R O O E M I V . M .

**D**e omnibus curam æqualem quod gerat, nullius personæ exceptor Deus, tam id quidem verum est, quam verax est ipse Deus, qui id suo ore restatut, & vero etiam factis comprobatur. At quis id sibi persuaserit, inquires, qui tantam non in reliquis modo creaturis, sed & inter homines ipsos rerum omnium, non fortunatum modo, sed & corporum, ingeniorumque varietatem attendit? An vero eandem filii suis curam adhibere censemur pàrens, qui vnum quidem studiis magnò impendiò applicat, alterum vero ad quisquilias, & plementorum faciem abiicit, ut laborando malignè yicitur? si pater est communis, communes si sint filij, cur non communis favor? Hæc Deum rursus impedit querimonia. Audienda est omnino, & potro detergenda. Quod ut ordine agam, prout praedicti Tractatu de fortunæ bonis egimus, ostendimusque ea neque bonis neque malis solis potuisse erogari, sed promiscuè; ita & hoc ipsum magis dilucidandum est, & demonstrandum præterea, hoc quoque omnibus tum corporis tum animi dotibus prorsus conuenire. Ostendam vero sine hâc ingéniorum, indolis, humorum, corporum, conditionum varietate, nec orbem su-

A a 3

stantari

stentari potuisse; nec verò etiam hominum æternam salutem conuenientius potuisse procurari. Ex quo illud fiet consequens, neminem alienis malis, seu ex naturæ vitiò, prout sunt fastidiosi conuiuentium mores, seu etiam ex fortunæ mutatione orientur, imò ne suis quidem debere quemquam magnopere perturbari.

## S. I.

*Proponitur ingens hominum, non fortunis modo, sed naturæ dotibus, moribus, indole, ingenio inter se differentium, & nihilominus inter se promiscue habitantium varietas, multarum perturbationum caussa; verùm homines inter se tam varios, promiscue sibi conuiuere debuisse ostendit.*

*Proponuntur quorela, quod in hominibus qui tamen naturæ pares sunt, tanta sit nihilominus, dissimilitudo,*

*In bonis fortuna.*

**G**ratias omnino maximas, iniustis licet hominum de Dei Prouidentiâ conquerentium vocibus: quò enim querimonias magis accumulant, easque accuratiùs expendo, eò magis illa mihi, pleniusque elucescit. Iniuriam sanè maximam humano generi fecisse videtur Deus, dona sua, naturæ inquam munera, tantâ inæqualitate inter homines quod disperserit, iniquum enim est, inter æquales æqualitatem non seruari. At ego id assero, nunquam æquiorem se hominibus præstitisse Deum: æquissimumque fuisse, varietatem tantam & inæqualitatem, quod induxit. Quod clare ut expendam, audienda sunt prius conquerentium voces; ne missent denuo inauditos esse condemnatos se.

**A**m non id stupendum inquier, quod cum homines primâ origine & naturâ pares sint, tam impares tamen esse non fortunæ modo, sed & animi corporisque dotibus? quasi si natura, quæ omnium communis mater est, non paucis fuerit rigida röuerca. Hæc quidem perturbationum inter nos, & non minima est origo. Quid enim? imprimis (inde tamen id consequitur) unus pauper est alter diues, quod quidem fortunæ est. Tamen ut ut sit, unus commodis vndeque difficit, laute comedit, stertit sine curis, foras obambulat nullius rei sollicitus, latè imperat, seruos habet ad nutum obsequentes; denique viuit, oblectatur curis vacuus,

vacuus, deliciarum plenus. Alter interim homen vivit, sed ad dimensionem quotidie vicitat; nullus ei prouentus nisi quem manus rigidæ callisque dant obductæ; nullus ei fructus prouenit nisi quem rigauit immanis sudor: & tamen homines sunt naturâ partes, conditione similes.

*In corporis  
robore &  
constitutio-  
ne.*

3. Deinde, unus quidem vir est, hoc est, robusto virilique corpore; alter fæmina plurimis certè, præ viro, corporis implicata incommodis. Et inter hos iterum summa est varietas. Aliqui namque, membris sunt bene compactis, bonâ valetudine, corpore contra aëris inclem̄tiam probè firmato: aliqui, carne tam flaccidâ, viribus tam remissis, capite tam poroso, ut minimâ persuentur aurâ, & in catharros toti dissuant. Alii non tamen ex eâdem omnes eruti terrâ massâ: qui sit ergo, ut in tam disparest testas lutum tam simile, idem plane sigillus coegerit: certe pars eademque, pari modo eodemq; labore poterat efformare.

*et nō ten-  
tum nisi  
in qd. in  
stercor.  
In ingendo  
& animâ  
dotibus.*

4. Præter hæc, quanta Deus bone in singulis est geniorum, ingenitorumque diuersitas! Stupidus hic nihil percipit, nad omnia cœcutit, merum stuporem dixeris: alter perspicacissimi est ingenij. Ursus inter hos, mira multis facilisque in percipiendis rebus est agilitas, sed in retinendis fallacissima memoria; alijs ingenium sit licet tardius, peruidunt tamen studiô & perumpunt omnia, eaque quæ semel mente complexi sunt, memoria retinent tenacissimâ. Ursus non omnibus studijs, eadem eodem modo apta sunt ingenia; quadam his, his alia percolendis magis sunt accommoda. Denique qui bono valeat ingenio, iudicio sàpè est exiguo, sàpè exoticò, sàpius nullo: quibus in percipiendo ingenium, & iudicium in discernendo, non tardus est memoria, & tandem quibus est animus ad omnia compescitus, ijs deest corporis valetudo, animæ agentis necessarij in strumentum.

*Geniū in illis.  
Iudi. mem-  
oria in  
animis  
a d. alioq.  
In morib.  
bus & ac-  
tioneibus.*

5. At vero magnum illud geniorum, indolis, morum, animorum ad varia inclinatorum dissidium inter homines qui considerat, id sane inuenier, ne duos quidem reperiti in toto terrarum orbe sibi constantes, sibi que similes. Id vero quis ferat? hinc iurgia, hinc dissidia, hinc auersiones inentium, hinc animorum perturbationes. Unus enim faceto liberalique est ingenio, alter malancolico, sibi alijsque tetrico; ille iocis delectatur & cantibus, huic ista fastidio sunt, lacrymis oblectandum credas;

das: hic tardus est lingua, manibus remissus, toto corpore len-  
sus & frigidus, neque facile hominem moucas nisi vi propulsus;  
ille vegetus, alacris sanguine, in agendo celer, fertur suo genio  
promptus ad omnia, sibi semper similis, semper latus. Illum si  
tatillum moueas, illico in ignes dissilit, in furias agitur abruptus  
ira; hunc omnibus commendat ingenita mansuetudo. Illum comi-  
tas, affabilitas, facilisque genius cunctis charum faciunt & ama-  
bilem; hunc vero rusticitas, inconditi corporis motus, insulsique  
gestus cunctis inuisum reddunt, in sylvas ablegandum procla-  
mant omnes, ubi Rudi puer excidit alno. En quanta hominum  
varieras; quam dispar omnia conditio. Et inter hos dum vi-  
uitur, quis possit placide vivere?

*Iam in co-  
dem homi-  
ne, pro re-  
rt varie-  
tate, tanta  
variatio,*

Lamentari, ut video, rursus incipis. Verum an dixisti omnia?  
an omnem mouisti lapidem? Haud reor; nam illud prætermi-  
sisse non debueras, quod tamen maximum querimonij tuis da-  
bit pondus; diuersitatem hanc tam variam tamque intolerabili-  
dem, non in diuersis modo hominibus reperi; sed quod pessi-  
mum est, & in uno eodemque homine, pro rerum temporumque  
varietate, varios reperi homines, inter se maxime dissidentes,  
semper varios, raro eosdem. Hæc sanè res est, ut feratur, dissi-  
cillima; quæque rectam conuiuentium societatem, imò ciuitatum  
ordinationem probam, cuiumque coniunctionem reddit pror-  
sus difficilem. Si enim suis homines moribus constarent, ge-  
nioque constanter & mordicus inhærerent, scio ego, inquis tu,  
quò pacto forent omnia ordinanda. Ait vero scis? age porrò,  
ordina.

*Huic incö-  
modo stu-  
di credis  
obuiari  
posse, si se-  
milia genij  
homines  
simul ha-  
bent.*

Quod si, inquis, melancolico qui sunt genio semper tales fo-  
gent, qui dæta indole semper læti, iracundi semper colericici, ad  
studia propensi semper sibi constantes & sic deinceps, tum sanè  
ciuitatem totam in compita vicosque diuididerem ego, statue-  
remque ut omnes, qui eiusdem genij sunt, ijsdem in vicis quasi  
tributim habitarent; ut modò solent veteramentarij veterum-  
que vestium interpolatores. Sic ergo louiales illos genijque le-  
pidi homines, in unum vicum compingarem; isthuc musicos,  
isthuc cytharædos, isthuc victores, isthuc vina, isthuc coquos,  
isthuc bellaria, isthuc parasitos, isthuc aleas, isthuc tessulas, om-  
niaque oblectamentorum genera per classem suas ritè dispo-  
nem. Sanè sic compositi vivere poterunt pro genio suò, cantare

6.

7.

ad

ad rauim usque, saltare dum toto corpore sudor dissuat, idque  
sine tetricorum hominum murmurationibus aut impedio, qui  
sibi semper occlamant obtundi caput, cum quis agit lepide, aut  
loquitur iucundè.

8. Deinde vero, hisce recte ex sententiâ compositis, omnes illos  
Saturni æmulos, melancolicos, inquam, quibus nunquam ne sibi  
secum quidem conuenit; silicernia, terræ pondera, quibus caput  
nigris semper oppletum vaporibus & talento grauius in terram  
propendet, in extrema amandarem vrbis compita, Septentrioni,  
frigido nimirum vento maxime exposita: ijsque vespillones, li-  
bitinarios, sandapilarios, & quotquot corporibus sepeliendis im-  
pendunt operam, intersererem; tetricos quoque rerum omnium  
indagatotes & censores, qui murmurandi materiam vndique  
conquirerent. Illic sane admirurarent, atroderent & se & om-  
nia pro suo libitu; sterterent, plangerent, lachrymarentur, si-  
ne audientium inuidia aut fastidio: omnes enim eiusdem sunt  
genij.

9. Iam vero bellicosos illos, illos Martis pullos, quibus ex-  
stuat bilis, & ira est feruentior, quos bella delectant & iurgia,  
quis non judicet vna compingendos? habitent certe inter eos  
cultrarij, ensium armorumque politores, per me licet, ut instru-  
menta genio suo apta ad manum habeant. Isthic narrare po-  
terunt bella, & quibus interfuerent prælia; isthic noua poterunt  
concitare bella, iurgari, clamare, & rixis miscere omnia; pug-  
nare si liber denique, & mutuis sese vulneribus confodere. Agent  
certe pro suo genio, nec ullius nisi suo impedio.

10. Sapientes autem viros, non est dubium, quin vna necesse sit  
continuere, ut conferant studia, ut se animent, ut extra strepi-  
tum sint tumultuosè debacchantium, ut moderate agant inter  
se, & fructum quæsitæ & inuentæ iam sapientiae securi percipient.  
His vero bibliopolas, librorum excusores, librarios, amanuenses  
conjungi debere, non attinet me dicere; res ipsa loquitur. Fun-  
giños denique homines, ne sapientibus molesti sint, tetrica in-  
quam capita, quibus cum parum sit rei, multum tamen verbo-  
rum est; stultos aut semistultos clarius dixerim, qui nihil non  
effutiunt, nunquam non garriunt, sine ullo aut ingenij, aut iu-  
dicij acumine, psittacos dicas aut loquaces picas, defulatorie,  
quod ob os venerit, proclamantes; hos inquam omnes ne Sá-  
pientibus

pientibus posthac obstrepant, in insanientium domum, aut si domus una non sufficit ( nec vero sufficit ) vicum inquam integrum, eumque bene magnum, ablegandos omnino censeo. Isthic sibi sapiant, donec insaniunt. Hoc modò prouisum erit reipublicæ. Nunc vero ubi omnes habitant promiscue, quid tandem tranquillitatis sperari possit? Sapit vir, insana est vxor; liberi scelerati, & in omnem voluptatem propensi domum complent clamoribus; turbatur iocantium cachinnis auus, multis iam ab annis putridus senecio; rixantur serui, insaniunt vicini. An haec est forma, bene & in ordinem digestæ reipublicæ? quis id patienter ferat? cui, ut maximè velit, tot inter turbas dabitur esse tranquillo?

*Refutatur  
hec insana  
distributio.*

Ah miseros nos mortales! ut despimos, cum nobis sapimus! quas non ineptias congerimus, cum cogitationibus nostris blandimur, iisque frænum remittimus! Verum ut paucis hoc absoluam, quod tantum aburditate suâ nouitateque placere potest: dic quæso castrorum metator, vicorumque designator acutissime, in quo vicô tute tibi domicilium conquereres? Iniu-  
rius sanè sum homini, id qui rogo: hominem enim vero longè supra vulgus sapientem alloquor. Quis dubitet igitur, quin in sapientum vico domus ei collocanda sit, & quidem non vulga-  
ris? Ita sit, isthichabitæ. Iam vero, vxorem tuam in quem vi-  
cum amandabis? Rides hic, sat scio, & ne de hâc quidem dubi-  
tari posse illico clamas: in insanientium, aut certe non recte sapientum ingentem vicum, ablegandam prorsus, & quidem quantocyus. At quâ de causâ? Quia despit inquis, aut quod parum distat, sapit ut fæmina.

Aiñ vero tu? & ego quidem cum bene calculos subduxì, aio in stultorum compita compingendum te; illam vero in sapien-  
tum esse deducendam vicum, & quidem honorifice; neque enim & isthic deessent fæminæ. Miraris quod id afferam? rationemque exquiris? Dicam. Tam sapiens cum sis, omnia ut recte potueris ordinare, certe stultam tibi copulasse fæminam, non nisi extremp id est dementia, quis id non videt? vxor autem tenui-  
tatis sua sibi conscientia, sapientem virum qui sibi præstos foret, quod delegerit, ea demum summa dicenda est sapientia, igitur si stulta est, sapuit stulte, cum tu sapienter despisis. Quid hic repones?  
*perceptus* *virum* vicum destinari tibi autumas? certe neutri es aptus. non insanien-

dū

insanientium profecto, quia sapis hercle, sapis quām qui maximē. non etiam sapientum; quia dum sic sapis, insipienter prorsus agis. Vos litem hanc domi quisque suæ, si vultis, dirimite. ego iam istud ago; aioque hinc ipsissimam rationem clarè deduci, cur tantæ geniorum varietas, non in classes quæque suas sit distinguenda, verū miscenda promiscuè: sic ut pauperes diuitibus, amæni melancolicis, iracundis mansueti, incultis & rustici, vrbani, malis boni, sapientibus stulti, stupidi acutis, intermixti, vnam pariter constituant, nec interpolatam habitatione rem publicam.

13. Nam, ut cætera taceam incommoda, quantam putas exorturam illico tumultuantium hominum tempestatem, ut executioni mandaretur hæc res? quis se rusticum, quis se iracundum, quis se melancolicum, quis se lentum, quis se insipientem fatebitur, cum nemo sibi non sit sapiens, nemo non mansuetus, nemo non elegans? sanè per vim sese mutuo è compitis eiicient homines, ut quisque quòd vult occupet; mutuisque sese vulneribus confident, de loco sibi debito dum disputatur: sicque confectus extinctusque erit orbis, antequam in suum ordinem ritè sit discretus. En ut exercitum totum deles castrametator egrie, castra dum tam stultè dispungis & metaris.

14. Iam verò, ut dicere institueram, ut ita foret, totumque mortaliū genus, in classes suas pro moribus, & genio cuiusque foret distinctum, tristesque tristibus, læti læti, mali improbis, probis probi, irāf eruentes iracundis, mansuetis māsuerti, stultis insipientes, sapientibus modeste sapientes cohabitarent, vnaque conuiverent; sit ita, per me licet. At quamdiu credis duraturum eiusmodi commercium? ne diem quidem vnicum. Tanta est enim, non hominum tantum, sed & vnius hominis varietas, ut vix vnā sibi constet horā; semper est varius, qui diem hodie dicit lætus, crastinum tristis exiger; nunc bise, vel atrā, vel flauā vrgemur: nunc perplacent omnia, nunc displicemus ipsismet nobis; nunc cantus nos delectant, nunc auribus officiunt; nunc ad omnia exorrecti & agiles, nunc nobismet ipsis lumen oneri. Quòd si ergo pro geniorum, morumque diuersitate, designanda est habitatio, quotidie mutandæ sunt ædes; neque quidpiam totā vrbe videbimus, nisi yltro citroque migrantium insanias discursiones.

B b 2

Neque pos-  
sibilis est, ob  
hominis in-  
constantia  
& pro di-  
uersitate  
rerum, va-  
rietasem.

Ita

Ita est. vix vnquam vitiō nostrō id sumus quod sumus; aut esse quod debemus, præterquam quod tanta præterea sit, non genij modo, sed & fortunæ nos circumstantis, morborum ingruentium, euentuum nos prementium varietas, vt iidem, licet maximè velimus, esse vix possimus. iam volumus quod noluimus; iam amplectimur quod horrebamus; iam timemus, iam amamus, alia semper atque alia; alijs semper atque alijs. voluitur & immutatur homo. *Et nunquam in eodem statu permanet.* Non igitur in <sup>Iob 14</sup> mores aliorum quibuscum tibi conuiuendum est, perturbationis usæ caussam reiice, sed in tuos. Neque illud oggeras cùm tali mihi pax esset, illi viro pacificè conuiuerem, hæc vxor ex meo genio esset, cum hoc amico vitam ducerem iucundissimam, tranquillitas foret æterna. Erras inquam, erras quām qui maximè nam & tuus tibi mutatur genius, & is qui modò per placet amicus, mutatur vt tu; nam & homo est similis tui, varietati vt tu obnoxius. Consonent, licet fides, dulcemque edant sibi consonæ symphoniam; quid tamen concentus ab iis exspectari potest, si mutantur singulæ, nec statum, quem ars dedit, mordicūs retineant? remittit se vna, altera in altiore assurgit tonum, & sic tota interturbatur harmonia, vbi concordia non est constans. Non igitur putidè conqueramur post hac, tam diuersis hominum geniis & conditionibus quod conuiuamus; ita certè fieri vt videtis oportuit, id tantum agite, quod, vt non turbeatur hominum à nobis dissidentium vitiis, opportunè monet Apostolus, *Alter alterius onera portate, quæ euitare non potestis,* ad Gal. *& sic adimplebitis legem Christi, Deique sic ordinantis omnia, voluntatem.*

## §. II.

*At inquies diuersitatem illam indolis, conditionis, & genitorum Deus inter homines inducere non debuerat. Proponitur obiectatio: omnia scilicet equaliter diuidi debuisse.*

Omnia in-  
commoda  
cessarent,  
inquiet, si

**I**llud quidem tandem fateor, inquies, hominum tam diuersæ fortunæ cum iam sint, tam varia corporum, animique constitutio, tanta morum, sanguinis, ingenij varietas, eos inter se misceri

ceri debuisse; neque seorsim habitationem suam cuique generi debuisse assignari. Tamē difficultati oecurrere potuisset Deus: occurisset autem, si eam quam inuexit hominum varietatem, conditionisque differentiam non statuisset.

*Deus omnes homines fecisset pares & similes.*

17. Quantum audio, rursus tu Deo consilia vis porrigere, & arbitratus in manum dare. An ergo, ea quam præcedenti sermone instituimus, tibi tam bene cedidit ex sententiâ consultatio, vt rursus audeas aperire os? De diuitiarum solâ diuisione agebamus; neque id potuisti rectè decernere, malisne solis & omnibus, an solis tantum & omnibus essent tribuenda bonis. Quod verò de diuitijs tunc dicebamus, id eodem planè iure de naturæ dotibus, corporis inquam valetudine, rectâ membrorum conformatio, sanguinis temperie, viribus, venustate, iudicij præstantiâ, morum æquabilitate; item de animæ constitutione, vt puta ingenij acumine, affabilitate sermonis, animi alacritate, quæque hæc omnia consequuntur, honore, muniōrum dignitatumque præstantiâ, intelligendum est. Illud igitur maneat, prot ut præcedenti Tractatu decisum est, hæc omnia neque malis solis consequenda, neque deneganda etiam omnibus: rursus neque bonis omnibus dari omnia, neque etiam omnibus subtrahi debuisse. Nimis enim grauia ex illâ diuisione orirentur incommoda; quæ quidem omnia & singula, his quas commemorauit corporis, animique dotibus diuidendis, palam est etiam intercessura. Igitur neque malis & solis omnia, neque bonis aut solis aut omnibus, rectè potuere aut detrahi aut dari.

18. Quid igitur faciendum fuisse censes tu, qui huic, quām iam videmus diuisioni, non acquiescis? Illud quod solū restat inquietus: omnes tūm fortunæ, tūm corporis, tūm animi dotes, singularis & quā portione, diuidendas esse statuo. Äquales qui sunt iure & naturâ, äqualibus etiam naturæ vt fruantur bonis, äquum iustumque esse sentio. Hoc si præstissemus Deus, poterat autem nullo impedio, Deus immortalis qualē habuissimus orbem, quām modestum, quām pacificum! quām quietam duceremus vitam, si sufficiētes culibet essent opes! quisque suo viueret, nec inhiaret alieno admodū; senatorum subsellia litigantium vocibus non perstreperent; non exaudiretut martius bellorum fragor; nec inuidentium fortunis alienis importunæ querimoniæ cessaret iniqua contrahentium fides; iurgia non essent aut per-

*Recensetur incommoda quæcum cesserent.*

B b 3

iuria;

juria; denique detersus foret, alienis opibus inhiantium, insanus labor. Suò quisque dimensò, cōque sat liberali contentus viuet; & hoc demum esset viuere.

*Et commo-  
da que in-  
de orien-  
tur.*

Quod si præterea, vti maximè cuperem, omnes essent ingenio acuto & ad percipiendum facili, corpore sano & formoso vultu (& quid n̄ esse poterant) humorum sanguinisque constitutione temperatā, animo alacres, moribus candidi, & ad amaritatem facti, affabiles, comes, humani denique & ad communem societatem nati: quanta tum demum esset mortalium felicitas, vita quām iucunda! communis esset vita & amor omnium: paradisus certè foret miserum hoc exilium, quod quidem faciunt esse longè miserrimum tam sibi infensi genij, & inter se tam discrepantes mores. Iam verò omnia confusa cum sint, quid demum est humanum commercium, nisi merum Chaos? cui minus rei est, plus est inuidiæ; aliena rapit qui de suo pauper est: mortem quin imò etiam parentum aut optamus, aut acceleramus, eorum futuri hæredes: amorem vagum circumferimus, & odia transportamus, prout diuersa hominum occurunt aut formæ aut ingenia: modò bene, male modò cum amicis conuenit; modò oneri sunt, modò voluptati; modò gaudij præstant materiam, modò tristitiae. Taceo cætera incommoda numero infinita, perpeſu difficultima. Hinc exacerbationes animorum, hinc tædia, hinc tumultus, hinc perturbationes. Quæ quidem omnia quasi planā detergerentur manu, nusquam si dispar esſet conditio, omnes autem si naturæ fortunarumque æquali portione fruerentur. Id autem præstare cùm potuerit Deus, cur iam tantam inæqualitatem inuexerit, id sane non video. Non vides? facile crediderim; occupat enim tibi cerebrum, hoc ipsum quod detestaris, osculum chaos.

*Refutatur  
hec senten-  
cia dupli-  
cata.*

Adesdum itaque maleseriatum caput, cum tuā pugnā sententiā. Paradisum tum denique futurum hunc orbem reris tu, cùm tuo confitus, & in ordinem digestus fuerit arbitrio? at ego id pugno, non merum chaos tantum, sed & inferno proximum futurum hunc orbem: cùm denique fore, quem describit Iob, terram misericordiam, ubi umbra mortis, dicit nullus ordo, sed sempiter- Job 10. nus horror inhabitat. Astero itaque nusquam Diuinæ suæ Prudentiæ admirandas inuentiones, vt recte eas vocat Dauid, præ- psal. 76. clariū & euidentiū ostendisse, quām in eâ tam dispari Bonorum

rum omnium, ingeniorumque inæqualitate, & tam concordi geniorum discordiâ: illam verò suissé prorsus necessariam, pri-mò quidem ad totius humani generis conseruationem, vt pote si-ne quâ discordiâ mundus non staret: deinde verò ad salutem æ-ternam mortalibus procurandam. Fidem mihi denegate, utrumque donec planum fecero & euicero.

## §. II. I.

Ostenditur sine maxima opum fortuneque inæqualitate, genus humanum, licet condit potuisse, conseruari non potuisse.

21. **A** Tque ut primum ordinamus caput; an non id cuique perspi-cuum est, quod sicut in microcosmo, humano inquam cor-pore, varia necesse est esse membra, & sitū, & magnitudine, & præstantiâ, & officio admodum inter se discreta, toti tamen corpori, aut alendo, aut sustinendo, aut dirigendo, aut promo-uendo in primis necessaria; ita plâne megacosmum, magnam hanc generis humani communionem, & quasi corpus ingens, ex diuersis admodum constare partibus, quasi membris debuisse; ut non ipsa tantum sibi constet vniuersitas, sed & singulae con-seruentur partes? satis enim constat, ubi toti corpori male est, singula etiam membra protinus disfluere. Verum hisce non ini-hæreo, res in confessu est.

*Non enim  
potest con-  
seruari ge-  
nus huma-  
num, sine  
magna  
magnorum  
et officiorum  
varietate.*

*Quod pro-  
batur ex  
varietate  
membrorū  
in corpore  
humano.*

Theod.  
Orat. 6.  
de prou.

Iam verò, cur Deus tantam inter homines conditionum dif-ferentiam inuexerit, cùm me importunus interrogas, sane cum D. Theodore & quidem eius verbis, *¶ ego te quoque lubens in-terrogauerim, cur non omnibus corporis nostri membris, unam ¶ eanam vim, rerum opifex iudicerit? sed oculis quidem colorum ¶ figurarum iudicium commisit; auditum verò, vocum ¶ sonorum discrimina cognoscere voluit?* Et ita de reliquis deinceps membris statue & loquere. Qgōd si rursus interrogem, cur stomacho in-cumbat cibos coquere & digerere, ori masticare & mandere, cur non & stomachus oculus sit, & os, & manus, pedesque? denique cætera membra, cur non sint oculus, cum facile in similem fa-bricam potuerint efformari? illico responsio tibi ad manum est, plura ad humani corporis constitutionem requiri, quām ut tan-tum

tum videat: audiat enim, tangat, olfaciat, gustet, phantasietur  
necessè est; ad quæ præstanta non sufficeret, si totum corpus es-  
set oculus. Et verò, oculo quis alimenta, quis spiritus præstaret,  
nisi in corpore esset stomachus? quis eum ad plura videnda cir-  
cumferret, nisi pedes forent? Idcirco tam diuersa corpori mem-  
bra dedit sapientissimus artifex Deus, quia vnum tam multis ex-  
ercitiis non sufficit: neque verò, nisi alterum alteri præsto-  
rit, vllum profecto, vt diu sit, sufficit sibi ipsi. Quod si autem di-  
uersa debuisse esse corporis membra fatearis, toti corpori vt be-  
ne sit, superuacaneum sanè erit querere, cur vnum alteri ma-  
gnitudine præcellat, cur robustius, cur infirmius; cur vnum al-  
teri situ, & pulchritudine, & mollitie, & decore præstet; nam si  
ne hâc circumstantiarum varietate, nulla erit membrorum dif-  
ferentia, quam tamen fatebare corpori, oppidò necessariam.

*Applica-  
tur com-  
paratio toti  
hominum  
communi-  
tati.*

Auditores, eandem plane, quam in humano corpore, in totâ  
humani generis machinâ conseruandâ & dirigendâ, Prouiden-  
tiæ vim exhibuit sapiens Deus: eadem prorsus est, sed hîc ad  
plura extenditur, isthic ad pauciora contrahitur. Constat certe  
vnum sine altero hominè, nec multum nec diu posse subsistere,  
nequidem vt corpori necessaria sufficiat: adeo miser est homo,  
cum solus est homo. Communicatione viuimus, communicatio-  
ne subsistimus. Pane vt vescamur, terra mandanda sunt semina:  
terra vt proscindatur, cùdendus est yomer: excussum triticum  
molâ terendum est: pinsendus panis, committendus furno, sur-  
nus ipse construendus: texendi sunt panni quibus tegimur; scin-  
dendi vt corpori conueniant, consuendi ne disfluant: con-  
struendæ sunt ædes, quas tu præterea instructas vis tapetijs &  
picturis adornatas: per varias mundi plagas instituenda sunt  
commercia, vt à varijs terræ partibus, singulis bene sit; nec enim  
omnis fert omnia tellus: tradendæ sunt scientiæ, & quidem va-  
riæ, vt viris floreat respublica: expedienda arma, quibus contra  
incumbentium hostium ferociam defendatur. Alia infinita pro-  
pemodum sunt ejusmodi, plane inter se distincta munia, quæ  
tamen, vt rectè & commodè viuamus, penitus requiruntur.

*Non esse  
autem ea  
muniarum  
diuersitas,  
si non esse  
diuersarum  
disparitas.*

Iam verò, quis non videat vnum hominem tot tantisque re-  
bus parem non esse, nisi ab aliis adiuvetur? An forte tu seruilia  
quotquot sunt, addiscere vis artificia? etiam tonstrinam agere,  
calceos consuere, & exercere veteramentariam? & licet in hâc  
arte

arte expeditus esles & eximius, an etiam panem pinsere, lateres indurare, calcem subigere, muros ad libellam erigere, coemtariam agere tibi adlibeat, vt domum solus tibi exstruas? & si lubeat, an tibi ad tam varia satis esse temporis, putas, imo vi- rium & industriæ certè ego me illis sordibus non immergerem, inquis. Quid? diues forem & opulentus quantum satis: & an bonis non fruerer ego commodisque, quæ fortuna, & Deus ero- garit? amens sim si id non ago. Itaque seruilia isthæc opera, a- liis facienda demandarem; locarem operas, mercedem darem largiter: pecunia, vt scis, obediunt omnia. Næ tu plane deridi- culum es caput! an fortuna tibi cerebrum ita dimouit, vt sen- tentiæ quam tulisti memoriam excusserit? certè non te tantum- modò diuitem, sed cæteros omnes, diuitiis confimiles tibi esse opportebat meminisse te, & quidem tuā ex sententiâ. Quō pactō igitur tibi laborare vis eos, qui tuō minime indigent? pares ti- bi diuitiis cum feceris, obsequio, laboreque cur tibi vis esse im- pares? & vt velis, quomodo id tandem impetrabis? Lepidè id pertractat Theodoretus. *Quo pasto, inquit, denique omnes equa- les cum sint, dicitur omnes opibus abundant, necessariorum inopiam, dicitur vsum homines sarcient? aut quis si eadem cum reliquis abundantia instructus sit, alteri seruire volet? quis inquam igni assidere, obso- nia parare; quis item panes coquere, dicitur molda triticum conterere, nisi inopia dicitur egestate cogatur, sustinebit?* Itaque si omnes æquè diui- tes, nemo alteri laboreni præstabit vllum; te igitur & omnes colere artes, omnesque tibi ipsi exercere necesse est, vt viuas, non dico laute & opipare, sed miserè quoque & frugaliter. tu tibi sis omnia vnum necesse est, cum omnes vnum facis.

25. Essent inquires, qui diuitiarum amore ducti, lucrandi studio operam suam facilem impenderent. Fateor; at si lucentur num- sum illi, tu verò nummum erogas, an non id vides, illico ditio- rem futurum illum, pauperiorem te? igitur sublata rursus foret, quam tu tantopere commendabas, diuitiarum opumque æqua- litas. Certè memorem decretorum tuorum oportuerat esse te: omnes volebas esse æquè diuites; & dum piger esse vis, ditiores alios facis, tuasque ipsemet leges infringis primus. Quod si sic & alij agant, nonne quantocuyus in orbem inducetur, quæ modò viget, diuitiarum inæqualitas? quid ergo incusas Deum, ob id, quod ne tuis quidem, quas condis, legibus poteris euitare?

Cc

Necdum

Necdum caput demittis, vir bone, & sententiam? minime  
inquieris; nam concordiam inire possent homines, sic vt vnuſ alteri  
præſto ſit; idque liberaliter, nullā nec pactā, nec datā mer-  
cede. Ceritum tibi cerebrum eſt vt video. & quid quæſo obſe-  
quij alteri præſtare tu ipſe velles, labore improbo, mercede nul-  
lā? Ego inquieris alteri obſonabo; ſit ille mihi à pedibus, imo &  
à calceis. At vero eodem iure, ſeruilia quæque officia à te exiget  
alter ille, lautè & opiparè obſonaturus tibi, calceos ipſi cum con-  
feceris, aut colendo hortum, ſudore penè cum diſfluxeris, Quid  
dices? quid repones? iure ages; at apud quem? interim ſi pro  
pinsendo pane iſtituitur iſta concertatio, timeo ne fame pere-  
atis ambo, antequam lis iſta deciſa ſit ad liquidum uter alteri  
pinsat panem. Stultum eſt plane & ridiculum, eiusmodi ſen-  
tias mordicus velle defendere. Fatere id quod res eſt, diuersa  
debere eſſe & officia, & munia, & artes artiumque exercitia, ut  
genus humanum ſtet; neque diuerſitatem illam primò induci  
potuifſe, niſi fortunatum inter homines eſſet, & quidem ingens  
inæqualitas,

## ſ. IV.

Expenditur quanto artificio, tantam muniorum differentiam,  
inter homines inuexerit Deus. atque hinc euincitur, ingenio-  
rum & inclinationum tantam varietatem plane fuſſe orbi  
neceſſariam.

Expeditur  
quanto ar-  
tificio mu-  
niorum di-  
uerſitate,  
hominum  
communi-  
tati tā ne-  
ceſſariam,  
inuexerit  
Deus.

Sic tamen  
ut libera-  
ti vim non  
inuicerit.

AT vero, quis non obſtupescat artem eximiam, quā Deus, 27.  
nunquam ſatis admirandam illam varietatem, orbi tamen  
tam necessariam, inter homines nihil eiusmodi cogitantes in-  
duixerit? Consideratione ſanē res digna eſt, ut artificis indu-  
ſtriam admireris. Pace igitur tuā Magne & sagax Deus, cum  
Dauide Meditabor in omnibus operibus tuis, & in adiuventioni-  
bus tuis exercebor, quas nemo inuenire poterat niſi tu: in iis au-  
tem considerandis exercebor, ut ea dum obſtupea, iis etiam ac-  
quiescam.

A te ergo incipio importuné Censor, qui omnes, quotquot ſunt  
homines eiusdem genij, & ingenij volebas eſſe. Annon, vbi tan-  
ta

Necgenuſ

ta officiorum studiorumque requirebatur differentia, etiam ad diuersa propendentium studia, ingens exigitur corporum varietas, & animorum aliter atque aliter affectorum inclinatio? vbi singuli agunt omnia, nihil agitur, vt modo ostendimus: vbi singuli agunt singula, expediuntur facile omnia. Itaque necessarij sunt quidam, qui manu laborent, quidam qui ingenio, quidam qui vtroque: quidam qui seruilia pertractent opera, quidam qui artibus secedent: quosdam militia, quosdam scientiae requirunt; & hos quidem variae rursus varios: quosdam rerum diuinorum, quosdam reipublicae exigit procuratio, omnes sunt necessarij, nemo non requiritur. Quod cum ita sit, illud etiam liquido constat, eum qui laboret manu, studiis non posse incumbere; nec qui se dat studiis, eum seruili operi admouere posse manus, non ferrum cudere, non naues per maria deuehere, non Martem sequi. Quid igitur consilij, vt tanta habeatur inter eos qui natura pares sunt, disparitas? homines vi cogere, & singulos &c omnes, id quidem est adynaton; & vero etiam libero arbitrio, cui vis adhiberi non debet, plane contrarium. Eni ut hanc secessitate expediatur, is qui scientia sua,

*Attingit à fine usque ad finem fortiter, dicit disponit omnia suauiter:*  
Fortiter, quia quod sibi beneplacitum, certò exequitur; suauiter, quia libertati humanae vim non infert, eā dum vtitur. Attendite si placet *adiuventiones Dei.*

29. Subtrahit primò opes, & corpori necessaria quibusdam, quibus alios locupletat. hos verò, sibi cum soli non sufficiant, diuites licet sint, ab aliorum operâ vult pendere. pauperes itaque, corpori suo vt prospiciant, diuitiasque, quibus carent, querant; quantocuyus ad artes, obsequia imo & seruitia liberè ac volentes applicant animum, vt ea, quibus indigent, ex potentiorum manibus emungant & eliciant; sicque dum necessitati quisque suæ, aut etiam cupiditati dum obsequitur, seruitur vniuersis & quidem liberè. Incredibilis profecto prouidentia fuit, illa in orbem inuecta diuitiarum inæqualitas, per quam sit, vt dum differimus singuli, stemos omnes. Dum tu diuitis alios, sanè alias robore, arte aliis & industria te superat, quod si itaque diuitiae tuae necessariae sint illi, cui vita est opera; certe illius tibi opera est necessaria, sine cuius operâ tibi non stat vita; aut si stat vita, saltem non tam commodè. Quod si clientes, seruos, minorisque

Diuersita-  
tem hanc  
inuenit,  
primò per  
diuersitatē  
diuitiarū.

fortis homines, vidēris principum vitorum atria, necessitatis aut gratiae conquirendæ caussâ obambulare, sanè & ego non semel vidi principum deauratas rhedas, præ foribus tabernarum stare, & vel necessaria coëmi, vel etiam prensari manus. Sic sit; nemo non eget, vt cumque diues sit: & tam indiget Rex pistore, quām pistor Rege. Quām parum id attendit humana superbia! quām facile is cunctos despicit, quō multi egent! quasi verò non pluribus indigeat. Quid igitur superbis homo, quid caput erigis? opulentus es, fateor; in dignitate constitutus es, ita sit: multi à te dependent, tu vicissim a plurimis. multi sine te parum possunt, sic est; sed tu sine multis, nihil. verū his non inhæco. Prouehenda est diuinæ industriæ consideratio.

*Deinde tū  
ea diuersi-  
tas sola nō  
sufficeret,  
inducendo  
varias in-  
clinationes  
animi.*

Cūm itaque diuersa planè artium, studiorum, scientiarum adminicula orbi essent necessaria, non satis visa est sufficere tantæ varietati obtinendæ diuitiarum sola inæqualitas, vt alia quisque & alia sibi defumeret exercenda officia, etiam lucri caussâ. Quid enim? si quisque ad vnum aduertat animum: si omnes quotquot sunt ad laborandum applicent manus, vt victum comparent; vbi tum futuræ scientiæ? si omnes studiis incumbant; vbi tum futuræ operæ, vbi milites, vbi artifices? omnes igitur pecuniâ allecti, vnum tantum si velint agere, perdita rursus est res humana. Verū huic incommodo prospexit prouidus Deus. Inclinationes itaque animorum varias, naturæ inseruit artifex summus. aliis quidem subtiliorem submisit sanguinem; cogitationes exinde altiores, generosioresque spiritus, quibus ad præstantiora quædam supraque vulgus, euecti quasi à naturâ, aspirarent; aliis autem indolem cum sanguine inseruit crassiore, tardiore, que, quō se se humilioribus contenti, abiectionibus etiam libentiùs, quasi ad maiora inepti applicarent; medium inter hos indolem aliis indidit, quā nec nimium phantasmatis elati, nec etiam depressi nimium, medium tenerent iter, artibusque & scientiis vulgo expertis, mentem aduerterent, iisque dērum & non aliis exercendis, à victus necessitate, aut etiam diuitiarum cupiditate allicerentur.

Et quamvis ingenita īdoles, animi dotes, & ad diuersa studia diuersæ inclinationes innatae, consuetudine & familiaritate malignâ səpè depraventur, aut mutantur, səpè etiam alieno exemplō præsertim domesticō excitentur; səpè etiam vitiō no-

30.

31.

strō deprimantur, aut studiō virtuteque erigantur & emendentur; tamen ex variâ humorum, phlegmatis, inquam, & melancoliâ, sanguinis item coleræque admirabili permixtione, geniorum varietatem, quæ inter nos est, originem suam ducere, experientiâ teste sit certissimum. Ex varietate verò geniorum in diuersa propendentium, illico tam varius, aliud atque aliud agentium, existit ordo: *trahit enim sua quemque voluptas*: idque volupe est agere, quod ex genio agitur; quem si quis sequitur, suum arbitratur esse longe pulcherissimum, aut certè viribus naturæ accommodatissimum: & sic parum sollicitus quid agant alij, agit ipse res suas, dum à genio suo agitur. Quod autem præter genium sit, non agitur aut benè, aut diu. Is verò agit id quod agit, qui id agit, quod, dum agitur, delectat. Et sic dum agunt omnes, omnes seruiunt, licet ad id animum non aduentant; & dum seruiunt singuli, seruitur singulis, & benè est vniuersis.

32. Manifestum est igitur, non omnem omnium hominum indolem aut genium, communem omnibus eundemque esse potuisse, ubi tam diuersa requirebant officia. Certè alia omnino phantasmatâ debentur militi, alia sanguinis temperies quæ audaciam ad perfringenda mortis pericula, viresque corpori sufficiat, ad militiæ labores preferendos: alia scientiarum studiofis, institutoribus alia, alia tandem seruitijs & communi labore visitantium faci. Nisi fortè aut milites omnes vis esse, aut instatores omnes; aut certè neminem suâ viuere conditione contentum.

33. Hâc ipsâ de caussâ mulierum sexui, humano generi propagando imprimis necessario, aliam longè à viris indolem, aliud sanguinis temperamentum excogitauit Deus. Longè illud deteriorius, mollius, & suauius; non rigidum sed facile & flexile; non asperum, sed ad omnem misericordiam propensum. Hinc, si inconstantes, teneriores tamen habent fæminæ affectiones, ut tantô facilius liberorum amore tangâtur & misericordiâ flestantur; teneritudo autem amoris, si humano generi defuisset, quantulum Deus bone nunc esset humanum genus! quâ enim fieri potuisset, ut tam incredibiles, in liberis præsertim educandis, labores sustinuissent miseræ, sed ut sibi videntur felices matres? tanta tædia, tot vigilia, tot insomnia, tantam inediā.

Cc 3.

*Sic muliebrium corporum, & sanguinis compositio alia esse debuit, quam in viris.*

cam.

tam edaces curas, quô demum animô perfregissent, nisi hæc omnia deterisset liberorum amor, quô delibutæ, non agunt modò quod agunt, sed agendo sic delectantur, vt non id agere, sit eis ipsâ morte molestius? At quô pacto afficiuntur benè erga infanteim, quem nunquam neque viderint antehac, neque cognoverint? interim à quo mala plurima sunt perpestæ; quique sæpe numero nihil habet admodum pulchritudinis quod delebet, multum verò deformitatis quod auertat; imò qui modo natus, clamore incondito, lachrymisque importunis, ægram adhuc à partu molestat matrem. Quâ ratione, inquam, amabunt tam infustum fœtum, nisi amor ille cordi, visceribus, & phantasiaz, ab altiori imprimatur manu, & quodammodo ingenetur materiae animæ? Rursus denique si sanguinis cerebrique temperamentum ijs tenerius, molliusque non sit, sic vt facile impressionem amoris suscipiat, & imbibat; sanè aut difficile admodum erit, ijs teneriorem hunc affectum indere; aut si indatur, facile etiam, vt in viris sit, redeunte ad naturalem statum, qui amore motus fuerat, sanguine, species illæ quæ teneram erga liberos affectionem faciunt, obliterabuntur & evanescent, & cum illis maternus amor.

*Hinc qui-  
de aliqui-  
bus vitiis  
sunt obno-  
xie, sed  
quæ viri  
deberent  
necessarii  
condonare.*

Fateor quòd eam ob caussam, molliori etiam sunt infirmiores que corpore, cerebro item teneriore, nec ad maiora percipienda aptè attemperato; rursus quòd iræ, tristitia, ceterarumque affectionum, præsertim subitarum impetus facillimè patientur, facile etiam remittant. Sed quid ages? non omnia possumus omnines; corporis sanguinisque id secum fert constitutio. Eam autem requirebat liberorum progignendorum necessitas, & vt vidimus alendorum amor; qui nisi fuisset tenerimus, nullus fuisset. Tener autem esse non potest, vbi sanguinis temperatura robusta est & aspera. Hæc si viri secum accuratè perpendant, patientur illi facile, quibus nimium exacerbantur, vitia in tenero fragilique sexu. Nimirū excandescentiam modò nimiam, tristitiam modò exorbitantem, sermones quandoque non adeò gratos, & porrò etiam intolerabiles. Fæminam certè cogitent, sic à naturâ constitutam. & licet vitia, ratione corrigenda sint, id tamen admodum est difficile, vbi vitia natura fert, aut si non fert, facile suscipit.

*Quod qui-  
dem etiam*      Verum ne mulierum tantummodo caussam agere videar, vi-  
de

de nunc quæ ex hâc doctrinâ consequuntur. Ingeniorum enim, hâc de causâ, sapientissimè tanta inæqualitas a Deo procurata est, vt paruo contenti nec maiorum capaces, vilioribus se minus acuti & hebetes, læti tamen alacresque impendant obsequijs. Ingenioso enim homini, præcellenti iudicio, cæterisque animi dotibus prædicto, manum texrinæ admouere, aut nescio cui à pedibus esse, id sanè foret admodum intolerabile. Hinc ego rideo nonnunquam, stuporem hebitudinemque in seruis & ancillis, tam ægræ quod ferant tetrici quidam, nimiùmque fastidiosi heri. Stupidos sanè hebetesque oportuit esse, vt serui sint; & vt quod sunt, sine rædio sint. Neque enim si ingeniosi sint, si acuti, ei volent obsequi, cui, si dotes spectas, debuerant impetrare. Voluntarium itaque facit esse obsequium ingenij tarditas, quod violentum redderet sola victis conquirendi necessitas.

in seruori  
vnius loci  
habet.

36. Deinde, robur viresque corporis inæquales esse, erat prorsus conueniens tantæ muniorum varietati inducendæ. Is enim qui validis est nervis, musculis benè compactis, toto corpore ad labores indurato, validiora arripit onera; maioris quidem lucti spe, arripit tamen ea & perfert, quibus alij sustinendo non sint; item, si tanti non sit ingenij, ea exercet, quæ licet maioris sint moliminis, minoris tamen sint industria: is verò, qui debilius: fese corpus sortitum videt, facilitibus se impendit, aut ijs quæ plus ingenij requirunt. Sic qui ferrum cudere, cufumque in laminas deducere brachiorum lacertis non valet, digitos acutus applicat, aut si industriâ valeat, etiam penicillo.

Ex sanguinis variæ  
temperie,  
varium in  
hominibus  
robur esse,  
necessum est.

37. Tertiò; cum ad hanc tantam officiorum diuersitatem, tanta temperamentorum distinctio esset necessaria, sanguisque tam varie miscendus, tantam etiam morborum differentium exoriri erat necesse. Morbi enim cum nihil aliud sint, quam temperamenti dissonantia, humorumque inter se digestorum discrepancia; certè ubi variae sunt consonantiae, isthic mutatione aliquâ factâ, dissonantias esse varias oportet. Et sic, alijs videas morbis melancolicos, alijs colericos, alios alijs exerceri; lentis illos, hos acutis, diuturnis aliquos, subitis alios doloribus virgeri; quæ omnia diuersam corporis humorumque compositionem liquidò consequuntur.

Item alios  
atque alios  
morbis.

38. Deinde, exinde oritur tanta etiam venustatis inæqualitas: oculorum viuacitas, aut obtusio; color roseus aut emortuus; cutis

Aliam de-  
nique atq;  
aliam cor-  
poris elegans  
utram.

cutis leniter expansa , aut in rugas contracta ; mollities carnis aut scabrities ; hispidæ genæ , aut flabré ; vultus denique totus seuerus aut benignus ; suavis aspectus & ad amænitatem decorè compositus , aut ferox & ad horrorem factus . Hæc enim omnia variam illam humorum sanguinisq; iam defæcati , seu spirituum quaquaversùs toto corpore perusantium varietatem , suo quasi iure comitantur . Quod quidem multis demonstrare non mihi foret admodùm difficile , inutile tamen instituto sermoni , vobisque fortasse non gratum . Sufficit id mihi , ostendisse me , quanto Deus sit usus artificiō , ingentem hanc machinam , tam varijs , tamque necessarijs adiumentis ut instrueret . Quod quidem in eo maximè est positum , ut cùm omnes agant diuersissima , omnes tamen ferè agant quæ volunt ; & dum singuli , pro suâ libertate , in disparata abeunt , in hòc tamen omnes conueniant , quodd quisque sibi dum laborat , laboret omnibus . Quæ sanè ut haberetur disformitas tam vaiformis , incongruè omnino dotes omnes tum fortunæ , tum corporis , tum animi , bonæ bonis omnibus , iniquæ verò solis malis fuissent dispergitæ ; sed gratissimâ quâ modo fruimur varietate , promiscue tradenda fuere tum bonis tum malis , ad totius vniuersitatis , quæ ex vtrôque constat ordine , debitam sustentationem .

*Denique  
quia idem  
homo ad  
diuersa de-  
bet appli-  
cari , idcir-  
eo variam  
habet hu-  
moram cō-  
situacionē.  
Et alius est  
aque alius  
diuerso tē-  
pore.*

Iam verò facile erit intelligere , cur hæc ipsa humorum temperamentique varietas , non in diuersis modò diuersa , sed & in vno eodemque prorsus homine variò tempore tam varia reperiatur . Stupenda est res , sed ratio in promptu . Cùm enim non vni tantùm officio , aut actioni destinatus esset homo , sed ad varias , plurimumque discretas inter se ; sanguinis quoque temperiem , ex quâ animi ad diuersa studia actionesque inclinantur , ijsque exercendis aptantur , variam esse atque diuersam prorsus fuit necessarium . Alia infantes agimus , alia pueri , alia iuuenes : Cùm enim firmari adhuc debeat corporis imbecillitas . & in maiorem molem excrescere ; sanè rebus agendis , quæ sint seriaz , impendi non debuit puerorum sanguis , qui ex hoc exsurgunt spiritus . Ij in virili ætate aut filiorum procreationi & educationi , aut studijs aut artibus , alijsque rei aut domesticæ aut etiam publicæ , negotijs impenduntur ; quorum omnium fructus in senectute satis malignè dum capimus , dissidente paulatim corpore abimus , alijsque locum damus . Cùm autem imbecilli-

39.

tas

tas nostra tanta sit, vt non semper liceat arcum tendere, modò negotijs agendis vires intendimus, modò relaxamus; modò laborandum est, modò quiescendum; modò colenda erga Deum Religio, modò erga afflictos pietas; modò nostra, modò aliena, modo publica, modo priuata, agenda est caussa; modo in iram insurgendum est, vt malis fortiter nos opponamus; modo in mœstitudinem flectendus animus, vt doloribus medeamur alienis, aut nostros perferamus. Quæ cùm tam multa sint, & tam inter se discreta, bené sapienterque consuluit huius fabricæ constructor Deus, vt & mutationi sanguinis & humorum, imo aëris & ætatis, hoc corpus subiaceret; aliasque atque alias tum vires, tum inclinationes, prout res gerendæ ferrent, animo subministraret.

40. Neque rursus aut aduersam fortunam semper pati, aut etiam semper prosperâ gaudere homines voluit; nec paupertate incommodisque vrgeri semper, neque etiam diuitijs lautitiasque affluere; nec hilaritate semper efferri, nec mœstia semper deprimi, aut omnes prorsus homines aut etiam singulos. Verum hæc omnia promiscuè distribuens diuersis, & diuerso tempore etiam singulis, iucundissimam hanc, ex tam vario concentu, compositu harmoniam. Vnus quidem Bassum seu musicæ inferiorum partem intonat, dum alter superiore occinit, superiorum agit partem; alijs interim medios tonos exprimentibus; & sic vna sit ex tam dispari concentu concordia, per quam totius yniuersitatis stat musica; neque facile quis partes singulas rectè distribuet, nisi qui totius auctor est harmonia.

## §. V.

Tantam conditionum, fortunæ, ingeniorum, & officiorum mutationem & varietatem, saluti nostræ conducibiliorem esse ostenditur.

41. Iquet igitur varietatem hanc tantam ingeniorum, fortunæ, & quod inde sequitur, officiorum, conditionum imo & sortis, modò euectæ, modò humilis, modò prosperæ, modò aduersæ, orbis sustentationi imprimis suisse necessariam. Verum

*Varietas  
hac etiam  
saluti eternæ  
procuringanda fuit  
conducibi-*

Dd

si &amp;

*lors infeli-  
citati enim  
perpetua  
succubuis-  
st natura.*

si & eam saluti nostræ æternæ maximè conducibilem viderimus, Deus bone quanta nobis hic sese offeret diuinæ Bonitatis Prouidentiæque admirandæ, & vero etiam laudandæ seges? Id ergo ostendamus modò. Nolo autem eam partem demonstrandam assumere, quā probandum esset, non debuisse homines semper deprimi, semper affligi, semper laboribus & quidem gravissimis implicari: id enim omnes mihi facile dabitis, & verò natura pro me stat, non enim ideo natura fuit condita, vt ei semper malè sit; quòd autem iam ei malè sit sàpissimè, id verò naturæ sese deprauantis vitium est, non auctoris.

*Felicitatē  
vero per-  
petuam nō  
sulisset, sine  
Numinis  
contemptu  
& oblitio-  
ne, patuit  
id in Ada-  
mo felice.*

Illud præcipue declarandum est, totam vniuersamque natum non semper debuisse commodis, felicitateque frui, quod quidem ostendere est perfacile. Nam si deliciis, commodisque corporis omnes, & quidem semper abundassimus; miseris nos! quòd tandem deuenissemus? in quam non, Deo rebelles, prorupissemus audaciam? An enim feliciorem, magisque naturæ consonam conditionem sibi quis possit effingere, quām quæ primis obtigit parentibus? & tamen quid non sunt ausi! quām citò conditoris reuerentia ex animo nimis fortunato, dolorumque adhuc ignaro effluxit? Diaboli commentum id fuit, inquies. Ita sit, verum ut acutè Chrysostomus: *tingamus nihil* Chrysost. 1.1. de Prouid. *Diabolum consuluisse, nihilque penitus Euse de ligno locutum fuisse;* num sine peccato perslitisset, si id ita non contigisset? *Minimè verò;* nam cui mulier tam facile quòd volebat persuasit, ipse, etiam diabolo absente, ex se ipso quamprimum in peccatum corruisset; quo maiori quoque pñal multari debuisse. Id verò pulchre probat. *Nam* qui tam facile, inquit, propinatam sibi ab altero deceptionem suscepit, is profectò negligenter & laxi affectus fuisse ostenditur. hinc ei, legem à Deo imponendam, eaque coercendum fuisse docet. si enim Adam voluntate & animo tam negligenti, prout fuisse ostenditur, nullum suscipiat mandatum, sed in deliciis & securitate persistat; ex hiuncmodi licentia, imbecillitas tanta atque negligenteria, ad meliorane an ad deteriora prorumpet? liquet. profectò illum ad summum fastigium vitiorum euasurum, si absque curâ sit. Nam si necdum de immortalitate securus, eamque spem dubiam pendere non ignorans, in tantam arrogantiam atque amentiam est elatus, ut Deus fieri speraret: istudque cum id promittentem (Diabolum) nulla ex parte fidem cerneret: si firmam & securam immortalitatem (nempe

(nempe corporis) consecutus fuisset, quod non progressus esset arroganter? quid non peccasset? quando ille Deo obtemperasset? Ita sapientissime aureum illud os. Infelix fuit Adam, quia nimium diu felix; & tamen eheu quam paucis diebus felix fuit! Quid optabilius amicitia & concordia? & tamen ea Adamum inter & Euam nimia fuit: ita enim amor ille emolliuerat viri animum, ut vxori ne displiceat, Deum non vereatur offendere. Utinam importunitate sua, non nunquam bilem marito Eua concitasset! utinam iurgiis fuisset turbata pax domestica! certe non adeo timuerat vxorem offendere, offensus ipse aliquando.

43. Verum an te Adamo sapientiorem futurum fuisse existimas? *Imò & in infelicitate Caino.*  
 Tu illo sapientior, Adami infasta proles: liquet hoc profecto in  
 tibi prorsus simili Caino. Ne patris quidem exemplō doctus sa-  
 puit. *in doloribus pariebat filios infelix mater, & in sudore vultus*  
*sui vescebatur pane exul pater, sicque sceleris sui pœnas miseri-*  
*dabant. interim quid non egit impudens filius, ut documenta*  
*daret quā esset origine natus? Iam illud vrgeo cum Chrysostomo.*  
*Quid non fecisset Cain in paradiſo degens tantijq. deliciis fruens,*  
*quando his omnibus priuatus, patrisq. supplicium ante oculos habens,*  
*ne sic quidem emendatus est: in tantumq. ineptie prorupit, ut homi-*  
*cidium ipse primus innemerit, ausuq. nefario implenerit? quid ad hæc*  
*generis tui prima exempla respondes infelix homo! An tibi au-*  
*rea pollicenti aut credam ipse, aut tu etiam credes tibi? Adam*  
*felicitate sua spoliatus est, teste Chrysostomo, quia ex honore sibi*  
*profrito deterior efflusus esset, si post spretum violatumq. manda-*  
*tum, immotus ille stabilisq. durasset: & tute in Dei obsequio per-*  
*seueraturum credis, si omnia tibi forent fausta & felicia? Lon-*  
*gè sane alia de humano genere, in tertio Scientiæ conditiona-*  
*lium, quod exposui, volumine legit Deus, idcirco laboribus, æ-*  
*rumnis, indigentia, & morbis subiecit hominem, ut spiritus in-*  
*domitos compesceret; læta tamen intermiscauit, ne illi prorsus*  
*oprimantur.*

44. Interim quid agimus adhuc quotidie? etiam miseri, in Deum  
 tamen intrepide insurgimus, flagellantis manum non expau-  
 scimus: quo demum non impudentiæ prorupturi felices nullius-  
 que opis indigi? Recte telum hoc intorquet, aureum os, *si enim*  
*bis additti, scilicet labori & dolori, ne sic quidem peccare desisti-*  
*muss;*

mu; quod scelerum progressa non esset audacia nostra, si nos affluere deliciis & otio constituisset Deus? omnia enim mala docuit otiositas. Quis tunc Deum esse meminisset, cuius iam omnium egentes, intellices, & miseri non recordamur, nisi, quod pessimum est, ut eum offendamus? Felices & supra communes hominum miseras euectos, diuini Numinis contemptores esse videbat, & deplorabat David: atque illico rationem tantæ impudentiae at-  
texens, in laboribus, inquit, hominum non sunt, & cum homini-  
bus non flagellabuntur: ideo tenuit eos superbia, operti sunt iniuste-  
tate & impietate sua, prodiit quasi ex adipe iniq[ui]tas eorum, trans-  
fierunt in affectum cordis, posuerunt in celum os suum. Verum id  
probi non agerent, inquis, sic est, si probi esse perseverent. Adam  
nonne probus erat, cum felicitatem suam ferre non potuit? sed  
felicitas diu probum esse non permisit. Et tu ipse, nonne tunc  
deterior, nonne tunc maxime Dei incurius es peccatisque ob-  
noxius, cum in labore hominum non es, cum corpori genioque  
bene est? Quid hæc disputamus? evidens est experientia quotidi-  
ana; deploranda planè res est, non autem reuocanda in du-  
bium.

Et vero an non vides, in terrenas tandem, & cælestium ina-  
nes animas, degeneraturos nos, si nihil nisi quod volupe est, ni-  
si quod delectet, hæc terra mortalibus suppeditaret. Quis cælum  
suspiraret, si hic sua vota, completi prorsus omnia, homines è  
terrâ nati perirent? En. vt adhuc modò, ubi habitatio-  
nem habemus tam miseram, & incommodam, ei tenaces mor-  
dicūs inhæremus, allecti nescio quā felicitatis umbrā? O mors! Ecclesiast.  
quam amara est memoria tua, homini pacem habenti in substantiis  
suis: viro quieto, & cuius via directe sunt in omnibus? Nihil hic  
admodum dulce est & commodum, quod non selle & quidem  
amarissimo sit conditum; diuitiæ plenæ curis & sollicitudine;  
amores zelotypiæ inuidiaque pleni; coniugia plena fastidiis; cor-  
poris voluptates plenæ morbis, & doloribus; dignitates plenæ  
insomniis, suspicionibus plenæ & ipsâ inconstantiâ timendæ:&  
tamen stulti amaroribus his inhæremus, diuinorum immemo-  
res, & eternorum gaudiorum prorsus incurij. Quod si autem ea quæ  
hic sunt, peritura quamuis, seque possessoribus etiam inuitis  
creptura gaudia, quietè diu datum fuisse possidere; timeo certè,  
ne Deo valere iusso habereque res suas, in illas demum impias  
voces

45. voces erupturi fuissimus; Cælum celi domino, terram autem dedit filii hominum: cælum deinceps habeo, ubi mihi vita cælum est, & terra paradiſus. sed satis iam sit.

46. Illudque demum concludamus, sapientissimâ sanè ratione, dotes tum corporis, tum animi, tum fortunæ, ex quibus omnis felicitas existit, hominibus tam inæqualiter Deum distribuisse; quod quidem omnino sic ei faciendum necessariò fuit, ut totum humanum genus, tam in naturæ, quam in gratiæ statu conservaret; neque enim felices, aut omnes aut semper hîc esse poterant homines, æternum felices vt forent.

47. Secundò, modum etiam quô distributio facta est, esse pulcherrimum; neque bonis omnibus, & solis danda bona omnia, neque improbis omnino denegandæ. Nam præterquam quod longa felicitas, bonorum fortasse fuisset ingens depravatio, Pre-

Theod.  
Orat 6.  
de Prou.

Optima  
itaque ea  
distribuuntur.

terea ut ait acutissime Theodoreetus: *apertissimum defensionis campum haberent malitiæ operarij, si in hac præsenti vitâ, solis iustis diuitiarum thesauros (& idem est de omni aliâ doce iudicium.)* *Judex ille distribuisset. Eadem enim, que ipsorum magister ac doctor (diabolus) contra Jobum locutus est, dicerent: quia tu circumuallasti interiora & exteriora domus ipsorum, frumentum & vinum multiplicasti eis. Sed mitte manum tuam, & tange quemcumque habent, nisi in faciem benedixerint tibi.* Quod sanè conutium Deo sic impactum, foret omnino grauissimum: nec enim id ex Dei honore est, non habere quemquam qui sibi obsequatur, nisi quem quasi mercede conduxerit.

Diversitat-  
is induc-  
dam modus  
etiam opti-  
mitate.

48. Nunc verò, cum tam bona quam mala, paupertas & diui-  
tiæ, dignitates humilioraque officia, voluptates & ærumnæ,  
ingenia, conditiones, omnia denique tum malis, tum bonis  
promiscue sint communia; nemo habet quod conqueratur, ne-  
mo quod Deo obijciat. Non enim improbi, quibus aduersa fuerunt res, paupertatem domesticam, morbos, amicorum odium,  
coniugis inconditos mores, fortunam denique semper iniquam,  
sceleribus excusandis iure poterunt prætendere: illico enim in-  
numerabiles existent probi, qui diuini Numinis Majestatem de-  
fendant; vt pote quibus aduersa fortuna, communisque imò &  
grauior paupertas, ad maioris sanctitatis culmen gradum fecerit.  
Neque rursus diuitias, dignitatum culmina, voluptatumque illecebras, sibi fraudi imò & oneri fuisse caussari poterunt, quasi

Neque iam  
improbi  
excusatio-  
nem habe-  
bunt im-  
probitatis  
suis siue fa-  
lces fuerint  
in hac vitâ  
siue infeli-  
ces.

D'd 3.

si cum

si cum illis diuinus cultus non subsisteret & cohæreret : sanè innumerī etiam cum sint viri , probitate omni , nec minus etiam opibus dignitateque conspicui ; obstruetur illis illico os , docebuntque suo exemplo , non mala fuisse illa , quibus cùm bene vñi sunt , facti sunt boni .

Maneat itaque illud ratum , omnia benè à Deo esse distributa , neque melius munera sua distribuere potuisse , tum si suam gloriā , nostramque salutem , tum si totius vniuersitatis humanae sustentationem spectet . Hoc tandem curemus nos , vt quæ recte in pondere & mensurâ nobis donata sunt , recte ijs vtamur , recteque vtendo boni simus . Illudque identidem omnium benefactori , cùm gratiarum actione occinamus ; *Quam magnifica Psal. 103. sunt opera tua Domine ! Omnia in sapientia fecisti : impleta est terra possessione tuā.* O quando hāc possessione Cælum ipsum tandem implebitur ! Quod bonum est in oculis tuis in cælo & in terra , hoc fiat ; & cum volueris , fiat .



PARS III.